

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

SEP 19 1947

T5299/1333

5



目錄

至德乾元中官左拾遺作

蕭山張一遠通可者

奉送郭中丞兼太僕卿克讓右節度使

六州官使西蕃 天長孫侍御 魏國夫人

奉贈嚴八闕老 月 留別賈嚴二闕老兩處

補闕 曉行口號 獨酌成詩 從書歸行

在成宮 玉華宮 羌村三首 北征 行次

昭陵 秦州雜興 送別 春興 官軍 已臨

目錄

蕭山張 遠邇可著

至德乾元中官左拾遺作

奉送郭中丞兼太僕卿充隴右節度使 送楊

六判官使西蕃 哭長孫侍御 虢國夫人

奉贈嚴八閣老 月 留別賈嚴二閣老兩院

補闕 晚行口號 獨酌成詩 徒步歸行

九成宮 玉華宮 羌村三首 北征 行次

昭陵 重經昭陵 彭衙行 喜聞官軍已臨

賊境 收京三首 送鄭十八虔貶台州司戶

臘日 奉和賈至舍人早朝 宣政殿退朝

晚出左掖 紫宸殿退朝口號 春宿左省

晚出左掖 題省中壁 送賈閣老出汝州

送翰林張司馬 曲江陪鄭八丈南史飲 曲

江二首 曲江對酒 曲江對雨 奉陪鄭駙

馬韋曲二首 奉答岑參補闕見贈 奉贈王

中允維 送許八拾遺歸江寧 因許八寄江

寧旻上人 題李尊師松樹障子歌

杜詩會粹

哈佛大學漢和圖書館珍藏印

崑山徐果亭先生定

同懷張文起子上叅

蕭山張 遠邇可著

奉送郭中丞兼太僕卿充隴右節度使三十

韻鮑曰郭中丞英父也

詔發山西將。秋屯隴右兵。淒涼餘部曲。燁赫舊家聲。

鷓鴣乘時去。驂騮顧主鳴。艱難思上策。容易卽前程。

趙充國傳贊秦漢以來山東出相山西出將 天水隴西安定北地皆為山西英父瓜州長樂人故曰山

西將也舊唐書英又知運之季子知運為鄆州都督隴右諸軍節度大使自居西陲甚為蠻夷所憚開元九年卒於軍至德初肅宗興師朔野英又以將門子特見任用英又繼其父節度隴右故有部曲家聲之句梁武帝孝思賦故舊部曲猶有數千莊

子聲伴鬼神輝赫千里輝世本作烜○此段總敘

大斜日當軒蓋高風卷旆旌松悲天水冷沙亂雪山

清范雲詩軒蓋照墟落詩悠悠旆旌唐書天和寶元年改秦州為天水郡○此段敘去時景

虜猶懷惠防邊詎敢驚古來於異域鎮靜示專征虜指

吐蕃言吐蕃和好雖懷舊恩而防邊上策不在驚擾自古馭外之法唯有鎮靜之中默寓專征之意而已

桓温薦譙秀表足以鎮靜頽風陳燕薊奔封豕

子良詩受賑事專征○此段敘吐蕃

周秦觸駭鯨中原何慘黷餘孽尚縱橫箭入昭陽殿

笳吹細柳營內人紅袖泣公子白衣行宸極祆星動

園陵殺氣平空餘金盃出無復總帷輕毀廟天飛雨

焚宮火徹明朶恩朝共落榆桷夜同傾祆音軒○左

長蛇薦食上國陳琳檄若駭鯨之觸網陸機功

臣表芒芒宇宙上塲下黷崔令欽教坊記妓女入

宜春院謂之內人子夜四時歌羅裳迳紅袖玉釵

明月瑤白衣行即微服意按秦王苻堅黜賈雍以

白衣領職可見徐孝穆書齊聖廣淵體自宸極

說文祆胡神也漢天文志祆星不出五年其下有軍

光武記赤眉發掘園陵註園謂山墳沈炯表甲

帳珠簾一朝零落茂陵玉盃早出人間鄴宮故事

魏武遺令西陵施六尺床張總帷說文總細疏布也

舊唐書東都太廟九室神主共二十六座祿山取

太廟為軍營神主棄街巷爾雅註榆木名榎屬三月

似豫章左傳註桷椽也○此段敘祿山之亂

卷之五

一

師逾整羣胡勢就烹瘡痍親接戰勇決冠垂成妙譽
期元宰殊恩且列卿幾時回節鉞戮力掃欃槍通鑑是年

二月兵馬使郭英又軍東原安守忠寇武功英又戰
不利矢貫其頤而走北山移文馳妙譽于浙右

晉書王導傳實賴元宰固懷匪石之心潘岳馬汧

督誅明明天子旌以殊恩唐志御史中丞二人正

四品下太僕寺卿一人從三品中丞兼卿所以為加
恩也爾雅彗星為欃槍○此段叙前事而冀其收

功于後圭竇三千士雲梯七十城耻非齊說客祇似魯

諸生通籍微班忝周行獨坐榮隨肩趨刻漏短髮寄
簪纓徑欲依劉表還須厭禰衡漸衰那此別忍淚獨

含情記儒有華門圭竇注門旁窬穿墻為竇如圭
家語遠方弟子之進蓋三千焉墨子莊王令

公輸作雲梯以攻宋漢書酈食其說田廣罷歷下

守備馮軾下齊七十餘城又孫叔通曰臣願徵魯

諸生共起朝儀齊說客承七十城魯諸生承三千

士詩註周行周之列位也梁武帝詔方當真諸周

行飾以青紫後漢書宣秉拜御史中丞光武特詔

御史中丞與司隸校尉尚書令並專席而坐京師號

三獨坐記五年以長則肩隨之左傳其髮短而

心甚長魏志王粲字仲宣山陽人獻帝西遷粲從

至長安以西京擾亂乃之荊州廢邑狐狸語空村虎

依劉表○此段自叙而兼送別

豹爭人頻墜塗炭公豈忘精誠元帥調新律前軍壓

舊京安邊仍扈從莫作後功名傅玄放歌行但見狐

鄒陽書精誠變天地元帥指廣平王倣易師出

以律李嗣業至鳳翔上謁肅宗喜曰卿至賢于數

萬眾以為前軍收長安前司馬相如傳扈從橫行

出乎四校之中鄒君倩遺公孫弘書勉作功名以

俟嘉譽 後功名莫以功名為後也即後名實意○此段勉之之詞

送楊六判官使西蕃

舊唐書至德元載吐蕃遣使和親願助國討賊

二載三月吐蕃遣使和親遣給事中南巨川報命詩云慎爾參籌畫楊益贊巨川以行

送遠秋風落西征海氣寒帝京氛祲滿人世別離難

青海在唐鄯州往吐蕃當渡青海故曰海氣寒 元帝詩海氣旦如樓 王僧達詩遠山歛氛祲 詞予既不難夫離 別○四句敘起

絕域遙懷怒和親願結歡敕書憐

贊普兵甲望長安

李陵書到身絕域之表 左傳使君懷怒以及敝邑 絕域指吐蕃

遙懷怒謂祿山之亂天人共憤即吐蕃亦欲結歡以為國家雪耻也 唐書吐蕃俗謂疆雄曰贊丈夫曰普故號君長曰贊普其妻曰末蒙○此段敘使西蕃之由

宣命前程急惟良待士

寬子雲清自守今日起為官垂淚方投筆傷時即據

宣命二句指正使蓋巨川也 杜詩博議漢書宣帝曰與我共理者其惟良二千石乎此詩用惟良

本此亦友于貽厥之類李嘉祐送五叔守歙州詩新安江自綠明主重惟良又某詩從來二千石天子重

惟良可證時楊判官必膺郡守推薦銜命入蕃故曰惟良待士寬也 楊雄傳雄三世不徙官有以自守

泊如也 子雲今日是假對 班超傳超為官備書久勞苦投筆嘆曰丈夫當立功異域安能久事筆硯

乎 馬援傳援請討五溪蠻據鞍顧 儒衣山鳥怪漢

節野童看邊酒排金盞夷歌捧玉盤草肥蕃馬健雪

重拂廬乾儒衣二句言風俗不同故山鳥見儒衣而怪野童見漢節而看也 唐書吐蕃贊普

聯毳帳以居號大拂廬容數百人部人 慎爾參籌畫處小拂廬○此段敘至西蕃之景事

從茲正羽翰歸來權可取九萬一朝搏晉紀總論籌畫軍國正

羽翰謂善其威儀詞令若說羽毛豐滿與下九萬之搏架疊矣莊子搏扶搖而上者九萬里權可取

他註俱作國權可取與九萬一氣非也按秦王苻堅曰今天下大定權可偃武脩文以稱武侯雅旨又

見于通鑑中不一則權可二字乃姑與之詞蓋吐蕃之借兵出于不得已非長策也觀公留花門等詩可

豈判官回來遽授大權乎此段勉之之詞見歸來而權取之正是此意若說大權可取

朱長孺云楊判官之使蓋為徵兵吐蕃然借兵非美事又恐其屈節外藩故以慎謀畫正羽翰戒之欲其伸中國之威不辱命也

哭長孫侍御

道為詩書重名因賦頌雄禮闈曾擢桂憲府舊乘驄

流水生涯盡浮雲世事空惟餘舊臺栢蕭瑟九原中

任昉集出入禮闈朝夕舊館註禮闈尚書省也劉楨詩逝者如流水檀弓九京可作前四敘生後

四人挽

號國夫人

號國夫人承主恩平明上馬入金門却嫌脂粉浣顏

色淡掃蛾眉朝至尊浣烏卧切明皇雜錄號國夫人出入禁中常乘紫驄使小黃

門為御紫驄之駿健黃門之端秀皆冠絕一時廣韻浣泥着物也楊妃外傳妃有姊三人皆豐碩脩

整工于諛浪每入宮中移晷方出號國不施粧粉自銜美艷常素面朝天

奉贈嚴八閣老

鮑曰嚴武也時為給事中蔡日國史補宰相相呼為堂老

兩省相呼
為閣老

扈聖登黃閣。明公獨妙年。蛟龍得雲雨。鵬鶚在秋天。

客禮容疎放。官曹可接聯。新詩句句好。應任老夫傳。

扈聖肅宗在鳳翔也。困學紀聞給事中屬門下省。開元曰黃門省。故曰黃閣。黃曰唐門下省。其長曰侍

中與中書令參總而顯判省事。即宰相也。給事中掌

分判省事故得同登黃閣。說文閣與閣異。閣夾室也。

以板為之。亦樓觀。通名閣。門旁小戶也。漢公孫弘開

東閣以延賢人。蓋避當門而東向。開一小門引賓客

以別於官屬也。漢三公黃閣。注不敢洞開。朱門以別

於人主。故黃其閣。又唐門下省以黃塗。門謂黃閣。此

詩閣字與待嚴大夫詩生理止。憑黃閣老乃訛字。相

沿曹植求自試表終軍以妙年使越。舊唐書武累

遷給事中。既取長安為京兆尹。兼御史中丞。時年三

十二。故曰妙年。吳志周瑜上孫權疏曰。劉備以驍

勇之姿。得關張為之輔。蛟龍得雲雨。終非池中物。北

史魏慕容紹宗曰。高公雄才蓋世。復使握大兵于外

辟。如借蛟龍以雲雨。將不可制矣。記郊特牲天子

無客禮。曹植賦在官曹之典列。公時為拾遺同

居諫省。故曰可接聯。首四句贈嚴領聯頂妙年。扈

聖言其飛騰之勢如此。頸聯言嚴待公之寬兼同居

禁署。故得以傳其詩。也。此又美嚴之才。

月

天上秋期近。人間月影清。入河蟾不沒。搗藥兔長生。

只益丹心苦。能添白髮明。干戈知滿地。休照國西營。

庾肩吾望月詩。渡河光不沒。傅玄擬天問。月中何

有白兔搗藥。又詩丹心為寸傷。時官軍營于長

安西。恐征人見月而淒涼也。顧愷之詩。秋月揚明

輝。惟秋期近。故月影清耳。句對而意串。河影白能掄

七詩會釋 卷之五 六

月光蟾不沒正見月之皎與下兔長生頂影清來領
聯對月而感在一身未則對之而悲及征人無非物
我一體也

留別賈嚴二閣老兩院補闕得雲字

一作兩院遺補

諸公得聞字 時賈至為中書舍人嚴武為給事中兩院謂拾遺補闕也作遺補是

田園須暫往戎馬惜離羣去遠留詩別愁多任酒醺

一秋常苦雨今日始無雲山路時吹角那堪處處聞

庚言詩酒薰人半醉 愁多任酒醺即東方朔銷愁者莫若酒意

晚行口號

三川不可到歸路晚山稠落雁浮寒水饑鳥集戍樓

市朝今日異喪亂幾時休遠媿梁江總還家尚黑頭

南史江總字總持梁武帝時累官至太子中舍人陳后主授尚書令陳亡入隋為上開府開皇十四年卒于江都時年七十六錢箋江總十八解褐年少有名侯景之亂避難崎嶇累年至會稽郡憇于龍華寺曰梁江總以總在梁遇亂尚少年也顧炎武曰梁太清三年臺城陷總年三十一自此流離于外十四五年至陳天嘉四年還朝年四十五所謂還家尚黑頭也少陵遭亂崎嶇略與總同自傷其年已老故發此嘆

獨酌成詩

沈炯有獨酌謠

燈花何太喜酒綠正相親醉裏從為客詩成覺有神

兵戈猶在眼。儒術豈謀身。苦被微官縛。低頭媿野人。
西京雜記目矚得酒食燈花得錢財。潘岳詩豈敢
陋微官。無名氏詩低頭還自憐。言微官羈絆不
能如田野之適性也。

徒步歸行

原注贈李特進自鳳翔赴鄜州途
經邠州作。李特進趙次公云李
嗣業也。新書嗣業從平石國加特進至鳳翔
謁肅宗進四鎮伊西北庭行軍兵馬使嗣業
有宛馬千匹公或
從之借乘未可知

明公壯年值時危。經濟實藉英雄姿。國之社稷今若

是。武定禍亂非公誰。

通鑑魏賀拔軌謂宇文泰曰文
足經國武能定亂。此美李特

起進鳳翔。千官且飽飯。衣馬不復能輕肥。青袍朝士最

困者。白頭拾遺徒步歸。

舊書至德二載二月上幸鳳
翔議大舉收復兩京盡括公

私馬以助軍時當括馬之後故云不復能輕肥也。范
雲詩衣馬悉輕肥。此反用之。四句敘時事而兼自
述徒步之由。人生交契無老少。論交何必先同調。妻子山

中哭向天。須公櫪上追風驃。

謝靈運詩誰謂古今殊
異代可同調。古今注

秦始皇七馬一曰追風。洛陽伽藍記後魏河間王琛
遣使至波斯國得千里馬號曰追風。廣韻馬黃白
色曰驃。老應白頭少應壯。年公與李途經傾蓋之
交。故云然末二句言急欲解家中之哭。故須假追風
之驃。然徒步二字
從反面映出耳。

九成宮

唐書九成宮在鳳翔麟遊縣西五里
本隋仁壽宮貞觀間脩之以避暑因
更名焉。宮周垣千八百步并置禁苑及府庫
官寺等。太宗高宗嘗臨幸。此公途中所見

記事之作
下首同

蒼山入百里。崖斷如杵臼。曾宮憑風迴。岌業土囊口。
立神扶棟梁。鑿翠開戶牖。其陽產靈芝。其陰宿牛斗。
紛披長松倒。揭巖怪石走。哀猿啼一聲。客淚迸林藪。
楊敬之華山賦。坳者似池。洼者似日。相如哀二世。
賦。全入層宮之嵯峩。西京賦。狀崔峩以岌業。風
賦。風起於地。浸淫於谿谷。盛怒于土囊之口。注。土囊
谷口也。魯靈光殿賦。紛披草樹。天台賦。蔭落落之
臆宿斗牛。庾信賦。飛陛揭巖。綠雲上征。○此段言
長松。魯靈光殿賦。宮在蒼山之中。高峻
而幽邃。係敘景起。荒哉隋家帝。製此今頽朽。向使
國不亡。焉為巨唐有。雖無新增脩。尚置官居守。巡非

瑤水遠。跡是雕墻後。

通鑑隋開皇十三年二月詔營
仁壽宮于岐山之北。夷山堙谷

以立宮殿。崇臺累榭。宛轉相屬。役使嚴急。丁夫多死。
舊唐書九。成宮總監一人。副監一人。丞簿錄事各

一人。王融曲水詩序。穆滿八駿如舞。瑤水之陰。
尚書。其酒嗜音。峻宇雕墻。巡非二句。言游幸時臨

雖非同瑤水之遠。而遺跡尚存。仍是雕墻之後也。○
此段言隋置此之盛。而亡本朝。仍設官分守。未免蹈
亡隋之躅。有殷鑒
不遠。意屬敘事。我行屬時危。仰望嗟嘆久。天王守

太白。駐馬更搔首。

守讀如狩。守太白。謂肅宗次鳳
翔。唐書鳳翔郿縣有太白山。春秋

天王狩於河陽。史記晉世家。孔子讀史記。至文公曰。
諸侯無名。王王狩河陽者。春秋諱之也。詩搔首。脚
躅。○此段言以平日巡幸之所。而
今不然。所以駐馬搔首耳。屬敘情。

玉華宮

新唐書貞觀二十年。置玉華宮在坊
州宜君縣北七里。鳳凰谷。永徽二年

廢為玉華寺唐會要玉華宮正殿覆瓦餘皆葺之以茅

溪回松風長。蒼鼠竄古瓦。不知何王殿。遺構絕壁下。

陰房鬼火青。壞道哀湍瀉。萬籟真笙竽。秋色正蕭灑。

朱云玉華宮作於貞觀年間去公時僅百載而云不知何王殿者何也按高僧傳載玄奘常于此譯經意

久廢為寺與九成之置官居守者不同故人皆不知為何王之殿耳非公真昧其跡也按詩中止言宮

之廢竝不及廢為寺意楚詞鬼火兮熒熒書注傅氏之巖在虞虢界有澗水壞道莊子敢問天籟

子綦曰夫吹萬不同而使其自己也吳都賦鳴條暢律飛音響亮蓋象琴筑并奏笙竽俱唱善曰律謂

籟也此段極美人為黃土况乃粉黛假當時侍金

輿故物獨石馬江淹詩美人歸重泉王褒僮約文早歸黃土陌列子鄭衛之處粉白

黛黑樂府粉黛不加飾恨賦喪金輿及玉乘古

詩所遇無故物西京雜記張丞相墓前有石馬

趙曰當時必有隨輦美人沒葬宮旁故及之梅聖俞曰玉華宮近有晉苻堅墓此段因宮旁所見而感

慨及之起憂來藉草坐浩歌淚盈把冉冉征途間誰

是長年者天台賦藉萋萋之織草謝惠連詩藉草繞

筐未盈把賈誼惜誓壽冉冉而日衰兮徐陵詩

征途愁轉旆淮南子木葉落而長年悲○末段因美人黃土而興長年之悲固已然亦兼宮之廢棄講

言宮之寥落既如彼而美人之物化又如此命之遲速孰可料哉兼此二意以

結全勢不然拋却本題矣

崢嶸赤雲西。日脚下平地。柴門鳥雀噪。歸客千里至。

羌村三首 鄜州圖經州治洛交縣羌村洛交村墟

妻孥怪我在驚定還拭淚世亂遭飄蕩生還偶然遂
隣人滿墻頭感嘆亦歔歔夜闌更秉燭相對如寤寐

西都賦岩峻崱峇金石崢嶸漢書五行志赤雲起

而蔽日陳后主詩日脚沈雲外陸賈新語乾鵲

噪而行人至在卽子在之在梁簡文詩拭淚空

搖手楚詞曾歔歔余鬱邑胡笳更深夜闌兮夢

汝來思樂府晝短苦夜長不如秉燭游相對句

乃亂後歸家真情不特前此是夢卽相對時未知是

真是假驚魂未定也

此首日暮初到家之作

晚歲迫偷生還家少歡趣嬌兒不離膝畏我復却去

憶昔好追涼故繞池邊樹蕭蕭北風勁撫事煎百慮

賴知禾黍收已覺糟床注如今足斟酌且用慰遲暮

前溪歌寧斷嬌兒乳仲長統傳濯清水追涼風

憶昔二句卽詩昔我往矣四句意淮南子聖人之

道其猶中衢而致樽耶至者斟酌多少

不同各得其所宜○此次日以後作

羣雞正亂叫客至雞鬪爭驅雞上樹木始聞叩柴荆

父老四五人問我久遠行手中各有攜傾榼濁復清

苦辭酒味薄黍地無人耕兵革既未息兒童盡東征

請爲父老歌艱難愧深情歌罷仰天嘆四坐涕縱橫

張衡古別離雞鳴庭樹枝謝靈運詩俶裝返柴荆

榼酒榼左傳行人執榼承飲造于子重莊子魯

酒薄而趙酒厚說苑器薄則亟毀酒薄則亟酸苦

辭父老口中之辭黍地三句見酒薄之由俱父老之

辭請爲二句公謝之○此隣里相過問之作

北征

輿地圖鄜州在鳳翔府東北

皇帝二載秋。閏八月初吉。杜子將北征。蒼茫問家室。
 維時遭艱虞。朝野少暇日。顧慙恩私被。詔許歸蓬蓽。
 拜辭奉闕下。怵惕久未出。雖乏諫諍姿。恐君有遺失。
 君誠中興主。經緯固密勿。東胡反未已。臣甫憤所切。
 揮涕戀行在。道途猶恍惚。乾坤含瘡痍。憂虞何時畢。
 詩二月初吉鮑照詩結主遠恩私曹植詩皇恩
 過隆祇承怵惕文心雕龍經緯區宇彌綸彝憲
 傳亮表密勿軍國心力俱盡○此靡靡踰阡陌人烟
 段直敘提綱以見去不忘君之意
 眇蕭瑟所遇多被傷呻吟更流血回首鳳翔縣旌旗

晚明滅前登寒山重。屢得飲馬窟。邠郊入地底。涇水
 中蕩漚。猛虎立我前。蒼崖吼時裂。菊垂今秋花。石戴
 古車轍。青雲動高興。幽事亦可悅。山果多瑣細。羅生
 雜橡栗。或紅如丹砂。或黑如點漆。雨露之所濡。甘苦
 齊結實。緬思桃源內。益嘆身世拙。坡陀望鄜時。巖谷
 互出沒。我行已水濱。我僕猶木末。鴟鴞鳴黃桑。野鼠
 拱亂穴。夜深經戰場。寒月照白骨。潼關百萬師。往者

散何卒。遂令半秦民。殘害為異物。詩行邁靡靡古詩越陌度阡漢書

注南北曰阡東西曰陌列子周之尹氏有老役夫
 晝則呻吟即事鳳翔行在所也沈約詩雲華乍

明滅重平聲重疊也唐書邠州新平郡屬關內

道入地虛言地形卑下也括地志涇水發源涇州

東南流邠州界至高陵入渭九域志邠距涇才百五

十里支遁詩芳泉代甘醴山果兼時珍高唐賦

芳草羅生廣韻橡櫪實也本草橡堪染用一名皂

斗其實作椽似栗實而小緬思桃源二句言因山

中所見而恍如桃源也漢郊祀志秦文公夢黃蛇

自天而下止於鄜衍作鄜時用三牲郊祀白帝劉

繪詩出沒萬重山楚詞寧芙蓉兮木末詩注鴟

梟鴟惡鳥詩桑之落矣其黃而隕哥舒翰傳

翰率兵出關次靈寶縣之西原為賊所乘自相踐躪

墜黃河死者數萬人散何卒作倉卒解何承天

集徒以殘害剝辱鵬賦化為異物况我墜胡塵及

兮又奚足悲此段歷敘途中所見

歸盡華髮經年至茆屋妻子衣百結慟哭松聲回悲

泉共幽咽平生所嬌兒顏色白勝雪見耶背面啼垢

膩脚不襪床前兩小女補綴才過膝海圖拆波濤舊

繡移曲折天吳及紫鳳顛倒在裋褐老夫情懷惡嘔

泄卧數日那無囊中帛救汝寒凜冽粉黛亦解苞衾

稠稍羅列瘦妻面復光癡女頭自櫛學母無不為曉

啟隨手抹移時施朱鉛狼籍畫眉闊生還對童稚似

欲忘饑渴問事競挽鬚誰能即嗔喝翻思在賊愁甘

受雜亂聒新歸且慰意生理焉得說綴一作綻劉

髮墜顛而後可用何遜詩洛陽城東西却作經年

別王隱晉書董威輦拾殘繒輒結為衣號曰百結

內則陶潛詩驟驥感悲泉陶潛詩嬌兒索父啼記

神曰天吳是為水伯虎身人面八首八足八尾背青
黃色丹穴之山有鸞鷲鳳之屬也五色而多紫海

圖天吳紫鳳皆所繡之物以舊繡補綻為豎衣故波
濤折繡紋移天吳紫鳳皆顛倒也嚴助傳夏月暑

時歐泄霍亂之病相隨屬也楊雄賦駢羅列布鱗
以維沓兮七命瀾漫狼籍漢城中謠城中好廣

眉四方且半額陶潛詩父老雜亂言左傳至尊
聒而與之語過期此段歷寫歸家悲喜之景

尚蒙塵幾日休練卒仰觀天色改坐覺妖氛豁陰風

西北來慘澹隨回鶻其王願助順其俗善馳突送兵

五千人驅馬一萬匹此輩少為貴四方服勇決所用

皆鷹騰破敵過箭疾聖心頗虛佇時議氣欲奪伊洛

指掌收西京不足拔官軍請深入蓄銳可俱發此舉

開青徐旋瞻略恒碣昊天積霜露正氣有肅殺禍轉

亡胡歲勢成擒胡月胡命其能久皇綱未宜絕漢書
注天

子在外曰蒙塵唐書回鶻傳回紇其先匈奴元魏
時號高車部或曰敕勒訛為鐵勒隋曰回紇亦曰韋

紇至德元載九月回紇遣其太子葉護率兵四千助
國討賊肅宗宴賜甚厚命廣平王見葉護約為兄弟

葉護大喜稱王為兄趙曰隨回鶻當以回紇為正德
宗元和四年始請易號回鶻言捷鷲猶鶻然後漢

郎顛傳助順元氣隋紀煬帝取桃竹白羽箭一枚
賜夔羅酋長射置曰此事宜速使疾如箭也回鶻

傳其人驍強初無酋長逐水草轉徙善騎射喜盜鈔
時議欲奪恐終為害也詳見留花門伊洛東都

也青徐二州在東恒山碣石在東北夏書太行恒山
至於碣石朱云借兵回紇大為中國害公心所不

予故曰聖心頗虛佇時議氣欲奪下遂言官軍自足
破賊不必全仗胡兵也公意收復兩京便當乘勝長

上詩會粹 卷之五 十四

驅幽薊故云此舉開青徐旋瞻畧恒碣當時李泌之
議欲命建寧並塞北出與光弼犄角以取范陽所見
亦與公同漢郊祀歌西顛沈蕩秋氣肅殺翼奉
傳轉禍為福韋昭樂府皇網弛政教此段歷叙

肅宗時事 憶昔狼狽初事與古先別姦臣竟菹醢同惡隨

蕩析不聞夏殷衰中自誅褒妲周漢獲再興宣光果

明哲桓桓陳將軍仗鉞奮忠烈微爾人盡非於今國

猶活胡仔云夏殷當作殷周西陽雜俎狼狽兩足絕

短每行駕兩狼失之則不能動魏志曹操謂于

禁曰渣水之難吾猶狼狽姦臣謂楊國忠書今我

韓彭菹醢書同惡相濟此指國忠黨

民用蕩析離居 褒姒妲已比貴妃宣王光武比肅
宗不聞夏殷二句申上事言與古初別也古初不能
自誅而明皇獨能賜妃自死此其高出古人有中興
之機故接以周漢云云而言肅宗之明哲同于周宣

光武也書明哲實作則舊唐書上幸蜀至馬嵬

驛左龍武大將軍陳玄禮整比六軍以從玄禮以禍

由楊國忠欲誅之會吐蕃使者遮國忠馬訴以無食

國忠未及對軍士呼曰國忠與胡虜謀反遂殺之以

槍揭其首上出驛門慰勞軍士令收隊軍士不應使

高力士問之玄禮對曰國忠謀反貴妃不宜供奉願

陛下割恩正法上令力士引貴妃于佛堂縊殺之

書尚桓桓漢書敘傳長平桓桓恢我朔邊後漢書

海內忠烈張元節微爾人盡非即微管仲吾其被

髮左衽之意孫楚與孫皓書愛民活國道家所尚

○此段追敘 凄凉大同殿寂寞白獸闥都人望翠華
玄宗時事 佳氣向金闕園陵固有神掃洒數不闕煌煌太宗業
樹立甚宏達長安志南內興慶宮勤政樓之北曰大
同門其內大同殿天寶七載大同殿柱
產玉芝有神光照殿三輔黃圖未央宮有白虎殿
唐避太祖諱改為獸白獸闥即白獸門也上林賦

建翠華之旗注以翠羽為旗上葆也梁武帝書展敬園陵但增感慟張俊為諸孫置守冢人表掃除塋壟未以為常舊書天寶十載正月太廟置內官洒掃諸陵廟數不缺言收京之後掃洒園陵禮數不缺也陸機高祖功臣贊曲逆宏達○未段有鐘虞不移廟貌如故意即哀王孫篇五陵佳氣無時無意章首以朝廷起末以朝廷收可見公雖歸家而心終不忘朝廷也

行次昭陵

唐書京兆府醴泉縣有九嶷山太宗昭陵在西北六十里醴泉直

京師之北公鄜州省家道經所作

舊俗疲庸主羣雄問獨夫識歸龍鳳質威定虎狼都

庸主泛指獨夫則指煬帝也羣雄如李密之流李百藥皇德頌定羣雄之逐鹿極方割之為魚舊唐書贊高祖審獨夫之運去知新上之勃興舊唐書太宗方四歲有書生見之曰龍鳳之姿天日之表年

將二十必能濟世安民蘇秦傳秦虎狼之國也隋都關中故云○此一段言太宗起兵定亂之初時

天屬尊堯典神功協禹謨風雲隨絕足日月繼高衢

文物多師古朝廷半老儒直詞寧戮辱賢路不崎嶇

莊子林回棄千金之璧負赤子而遊彼以利合此以天屬高祖傳位如堯禪舜故曰尊堯典魏收詩導水逼神功禹謨九功惟敘太宗作樂有九功舞故曰協禹謨後漢書論中興二十八將咸能感會

風雲奮其智勇魏文帝與孫權書中國雖饒馬其知名絕足亦時有之登樓賦唯日月之逾邁今俟河清其未極冀王道之一平兮假高衢而騁力言房杜諸公乘風雲之會依日月之光晏子明君在上下有直詞後漢鄧后紀論建光之後遂乃名賢戮辱便孽黨進潘岳詩在疚妨賢路南都賦下

蒙籠而崎嶇直詞如魏徵之屬賢路如瀛洲之登○此段極言致治之盛俱從生前敘起

往者

災猶降。蒼生喘未蘇。指麾安率土。蕩滌撫洪爐。壯士

悲陵邑。幽人拜鼎湖。玉衣晨自舉。鐵馬汗常趨。鐵英華作

石○後漢張純傳陛下與於匹庶蕩滌天下漢紀

陳琳曰此猶鼓洪爐燎毛髮耳西都賦三選七遷

充奉陵邑註一曰七相五公二曰豪傑三日貨殖此

云壯士即豪傑也北山移文或嘆幽人長往漢

郊祀志黃帝鑄鼎荆山下鼎成有龍垂胡髯下迎帝

騎龍上天後人名其地為鼎湖漢儀注以玉為衣

如鎧狀連綴之以黃金為縷通鑑孝平紀義陵寢神

衣在柙中丙申旦衣在外床上寢令以急變聞唐

會要上欲闡揚先帝徽烈乃刻石為常所乘破敵馬

六匹于昭陵闕下安祿山事蹟潼關之戰我軍既敗

賊將崔乾祐領白旗引左右馳突又見黃旗軍數百

隊官軍潛謂是賊不敢偪之須臾見與乾祐鬪黃旗

軍不勝退而又戰者不一俄不知所在後昭陵奏是

日靈宮前石人馬汗流李義山復京詩天教李令心

如日可要昭陵石馬來韋莊再幸梁洋詩典慶玉龍

寒自躍昭陵石馬夜空嘶皆指此事○此段因衰亂

而思其神靈之盛言天寶之亂蒼生未息安能如太

宗之功而指麾蕩滌乎所以壯士見陵邑而悲幽人

望鼎湖而拜太宗在天之靈終松柏瞻虛殿塵沙立

在所以玉衣舉而鐵馬趨也春秋含文嘉天子墳

瞑途寂寥開國日流恨滿山隅高三切樹則松諸侯

半之樹則栢何思澄詩虛殿簾帷靜薛道衡詩

塵沙塞下暗陶弘景詩瞑途載誰賞開國指太

宗開國而言沈約詩流恨滿青松鮑照詩高墳

纍纍滿山隅○此段公以不得親見太宗開國之盛

徒經此陵為恨耳

重經昭陵

草昧英雄起。謳歌曆數歸。風塵三尺劍。社稷一戎衣。

翼亮貞文德。不承哉武威。聖圖天廣大。宗祀日光輝。

易天造草昧。人物志草之秀者為英。獸之特者為雄。太宗紀上問侍臣帝王初業與守成孰難。房玄齡

曰草昧之初。羣雄竝起。角力而後比之。初業難矣。梁武帝詔謳歌供奉。萬有樂推。陸機表天命未改

曆數有歸。高帝紀吾以布衣提三尺劍。取天下

書一戎衣。天下大定。庾信詩終封三尺劍。長卷一戎

衣。抱朴子儒雅而之治略者非翼亮之才。書不

承哉。武王烈。隋煬帝詩前驅振武威。蘇頌應制

詩聖圖恢寓縣。前兒寬傳癸亥宗祀日宣重光上

元甲子肅雝永亨。光輝充塞天文粲然。此篇與前

詩全一格律俱從。陵寢盤空曲。熊羆守翠微。再窺松

生前致治說起。後漢祭祀志漢諸陵皆有園寢起

栢路。還有五雲飛。居衣服象生之具。唐會要昭陵因

九嶷層峰鑿山南面深七十五丈為玄宮。傍巖架梁

為棧道懸絕百仞。繞回二百三十步始達玄宮門頂

上亦起游殿。書則亦有熊羆之士。此謂守陵軍

士也。古詩松栢夾廣路。京房易飛侯宣太后陵

前後數有光。又有五采雲在松下如車蓋。此段

方說昭陵末二句重過大有五陵佳氣無時無意

彭衙行。寰宇記彭衙故城在

白水縣東北六十里

憶昔避賊初。北走經險艱。夜深彭衙道。月照白水山。

盡室久徒步。逢人多厚顏。叅差谷鳥吟。不見游子還。

痴女饑咬我。啼畏猛虎聞。懷中掩其口。反側聲愈噴。

小兒強解事。故索苦李餐。一旬半雷雨。泥濘相攀牽。

既無禦濕備。徑滑衣又寒。有時經契闊。竟日數里間。

野果充餽糧。卑枝成屋椽。早行江上水。暮宿天邊烟。

少留同家窪欲出蘆子關

窪鳥瓜切○書顏厚有性

兒見李競趨戎曰李在道旁而多必苦李也

左思

詩秋菊兼餽糧

甲枝成屋憇息於樹下也

同家

窪即同州同谷窪

鄜州在白水縣北延州在鄜州西北蘆關又在延州北時公欲北詣靈武故道出蘆

關也○此段歷敘道途之苦故人有孫宰高義薄層雲延客已曛

黑張燈啓重門煖湯濯我足剪紙招我魂從此出妻

孥相視涕闌干衆雛爛熳睡喚起霑盤餐誓將與夫

子未結爲弟昆遂空所坐堂安居奉我歡誰肯艱難

際豁達露心肝孫宰三川宰也或曰人名詳詩義人

靈運詩朝游窮曠黑漢書外戚傳張燈燭設幃帳

韓詩外傳三月上巳于溱洧兩水之上執蘭招魂

續魄祓除不祥息夫躬絕命詞涕泗流兮崔闌瓚

曰崔闌涕泗闌干也左傳盤餐加璧詩注餐水澆

飯也前高帝紀豁達大度別來歲月周胡羯仍構

患何當有翅翎飛去墜爾前梁書何敬容曰西晉祖

羯王粲詩豺虎方構患○此段從別後追思孫宰而思假鳥翼以相過也

劉辰翁曰彭衙行是痛定思痛非紀行體

喜聞官軍已臨賊境二十韻

胡騎潛京縣官軍鏟賊壕鼎魚猶假息穴蟻欲何逃

梁元帝詩擁旄去京縣

唐書至德二載閏八月賊

寇鳳翔崔光遠行軍司馬王伯倫等率衆捍賊乘勝

攻中渭橋追擊至苑門賊大軍屯武功燒營而去九月丁亥廣平王將朔方等軍及回紇西域之衆十五

萬發鳳翔壬寅至長安城西與賊將安守忠等戰于香積寺之北灃水之東賊大敗斬首六萬賊帥張通儒棄京城走陝郡癸卯大軍入京師甲辰捷書至鳳翔南史丘遲與陳伯之書將軍魚游于鼎沸之中後漢謝夷吾傳第五倫使夷吾收烏程長按罪夷吾到縣無所驗但望閣伏哭而還白倫曰竊以音候知長當死游魂假息非刑所加月餘長果暴卒異苑晉太元中桓謙見有人皆長寸餘悉被鎧持槊乘具裝馬從堦中出緣几登灶蔣山道士朱應子令作沸湯澆所入處因掘之有斛許大蟻死在穴中○四句總起

旌旄路失羊腸險雲橫雉尾高五原空壁壘八水散風濤今日看天意游魂貸爾曹乞降那更得尚詐莫

徒勞舊唐書武德令侍臣服有袞冕驚冕毳冕繡冕玄冕梁書陳慶之所統之兵悉着白袍所向

披靡玄冕指儒臣白袍指武臣前漢書出稱警入稱蹕漢志上黨壺關縣有羊腸坂魏武苦寒行

羊腸險詰曲車輪為之摧古今注周制后夫人車緝雉尾為扇翼漢乘輿服之唐書天子舉動必以扇

大駕鹵簿有雉尾障扇小團雉尾扇方雉尾扇小雉尾扇之屬長安志長安萬年二縣之外有畢原白鹿原少陵原高陽原細柳原謂之五原關中記涇渭澆灞澇澇澇澇為關內八水靈帝紀赤眉遣劉恭乞降曰盆子降陛下將何以待之帝曰待汝以不死耳乞降尚詐言賊急則乞降緩則尚詐○此段

極言軍勢之振元帥歸龍種司空握豹韜前軍蘇武節左將

呂虔刀兵氣回飛鳥威聲沒巨鼇戈鋌開雪色弓矢

向秋毫天步艱方盡時和運更遭誰云遺毒螫已是

沃腥臊唐書二載九月以廣平王俶為天下兵馬元帥郭子儀副之先是子儀進位司空小學

紺珠文武龍虎豹犬為六韜後漢注霸典文論文師
 武論龍韜主將虎韜偏裨豹韜校尉犬韜司馬
 書李嗣業統前軍陣于香積寺北收長安
 峻平王導令取故節陶侃曰蘇武節似不如是
 鑑香積之戰賊伏精騎欲擊官軍朔方左廂兵馬使
 僕固懷恩就擊之剪之殆盡
 檄王祥為司馬初虔有佩刀工相之以為必三公可
 服虔乃以與祥
 鄒陽傳今胡數涉北河之外上覆
 飛鳥下不見伏兔
 列子巨鼈戴山二句言兵氣
 之振雖飛鳥巨鼈亦避其鋒也
 東都賦戈鋌彗雲
 詩天步艱難西京賦蕩亡秦之毒螫○此
 段大意與上節相似而特歸功于將帥得人耳
 睿想
 丹墀近神行羽衛牢花門騰絕漠拓羯渡臨洮此輩
 感恩至羸俘何足操鋒先衣染血騎突劍吹毛
 漢書
 傳尚書省中以丹朱漆地曰丹墀
 溫子昇詩神行
 揚翠旗天臨肅清警
 江淹詩羽衛蕩流景
 孔稚

圭詩橫行絕漠表
 唐西域傳安西者即康居小君
 長鬪王故地募勇健者為拓羯猶中國言戰士也
 唐書洮州臨洮郡屬隴右道
 通鑑是年二月安西
 北庭及拔汗那大食諸國兵至涼鄯
 前鼂錯傳輕
 車突騎師古曰言其驍銳可用衝突敵人也
 吳越
 春秋干將之劍能決吹毛游塵
 此舊注吳越春秋
 無此語
 鋒先騎突皆倒裝字法
 喜覺都城動悲
 此段歸宸算于朝廷而得四夷効順
 董卓傳呂布殺
 連子女號家家賣釵釧祇待獻春醪
 卓長安士女賣
 其珠玉衣裝市酒肉相慶者填滿街肆
 悲連句遡
 前唯其昔日之悲愈見今日之喜所以齊飲春醪耳
 ○此段言民情
 正見其可喜也

收京三首

仙仗離丹極妖星帶玉除須為下殿走不可好樓居

暫屈汾陽駕聊飛燕將書依然七廟略更與萬方初

唐書儀衛志凡朝會之仗五一日供奉仗二日親仗

三日勳仗四日翊仗五日散手仗皆帶刀捉仗立于

東西廊下安祿山事迹祿山生夜赤光旁照羣獸

四鳴望氣者見妖星芒熾落其穹廬西都賦玉除

形庭帶玉除即春星帶草堂意梁武帝紀以諺云

災惑入南斗天子下殿走乃跣足下殿以禳之漢

武帝紀公孫卿曰仙人好樓居于是令長安作飛廉

桂館其泉作益壽延壽觀莊子堯往見四子藐姑

射之山汾水之陽宵然喪其天下焉史記燕將攻

下聊城聊城人或讒之燕將懼誅不敢歸田單攻之

歲餘不下仲連乃為書約之矢射城中遺燕將王

制天子七廟三昭三穆與太祖之廟而七羊祐傳

祐內經廟略外揚王化庾肩吾詩方憑七廟略更雪

五陵寃趙曰兵謀謂之廟略蓋謀于七廟之中也○

萬方初即與

民更始意

朱云玄宗晚節怠荒深居九重政由妃子以致播

遷之禍公不忍顯言而寓意于仙人之樓居因貴

如常為女道士故舉此况之連昌宮辭上皇正在

望仙樓太真同凭闌干立此一証時嚴莊來降

史思明亦叛慶緒納土河北折

簡可定故以魯連射書言之

生意甘衰白天涯正寂寥忽聞哀痛詔又下聖明朝

羽翼懷商老文思憶帝堯叨逢罪已日灑涕望青霄

王褒詩寂寞灰心盡摧殘生意餘嵇康養生論積

損成衰從衰得白從白得老注白謂白髮也漢西

域傳武帝棄輪臺下哀痛之詔舊唐書是年十月肅

宗還京十一月壬申朔御丹鳳樓下制曰早承聖訓

常讀禮經義切奉先恐不負荷十二月戊午朔又御

丹鳳門下制大赦鼂錯傳施利後世名稱聖明

張良傳四人者隱商雒山從太子上名戚夫人指示

曰彼羽翼已成難動矣書序昔在帝堯聰明文思

止詩會粹 卷之五 二十二

光宅天下將遜于位讓于虞舜左傳禹湯罪已其
興也勃焉繆襲喜霽賦賴我后之明聖今獨克躬而
罪已

吳云羽翼句李泌將去也文思句玄宗在蜀也

汗馬收宮闕春城鏗賊壕賞應歌杖杜歸及薦櫻桃
雜虜橫戈數功臣甲第高萬方頻送喜無乃聖躬勞

晉世家矢石之難汗馬之勞沈約詩春城麗白日

詩序杖杜勞還役也月令仲夏之月天子乃羞

以含桃先薦寢廟注含桃櫻桃也曹植詩雜虜入

雲中庾肩吾詩橫戈念北奔此句謂回紇諸胡

助順者楊炯碑匈奴未滅甲第何高朱云是時

王師復兩京圍安慶緒于鄴城未下故言方春必可

平賊班師行賞正值櫻桃薦廟之時蓋預期

之也聖躬勞即大夫速退無使君勞之勞

送鄭十八虔貶台州司戶傷其臨老陷賊之

故闕為面別情見於詩鄭虔貶台州詳八哀

十二月陷賊官六等定罪三等者流貶虔在次三等故貶台州

鄭公樛散鬢成絲酒後常稱老畫師萬里傷心嚴譴

日百年垂死中興時蒼惶已就長途往邂逅無端出

餞遲便與先生應未訣九重泉路盡交期樛音樞○

散之材不合世用漢襄楷疏不見採察而嚴被譴

讓詩邂逅相遇未訣見別賦梁昭明太子詩

還信三洲曲誰念九重泉○此全敘事

臘日小學紺珠五行始于祖終于臘唐土德戌祖辰臘

臘日長年暖尚遙。今年臘日凍全消。侵凌雪色還萱草。漏洩春光有柳條。縱酒欲謀良夜醉。還家初散紫宸朝。口脂面藥隨恩澤。翠管銀罌下九霄。

陳書太傅平秦王歸

彥縱酒為樂經宿不知至明欲參至門知之景龍文館記帝于苑中名近臣賜臘晚自北門入于內殿賜食加口脂臘脂酒陽雜俎臘日賜口脂臘脂盛以碧鏤牙筒庚闡詩翔虬凌九霄

奉和賈至舍人早朝大明宮

唐書賈曾景雲中擢中書舍人

開元中復拜中書舍人子至字幼隣從玄宗幸蜀拜起居舍人知制誥帝傳位至當讓冊既進藁帝曰昔先天誥命乃父所為今茲命冊又爾為之可謂繼美矣至頓首流涕歷中書舍人舊唐書東內大明宮在禁苑之東南本末安宮貞觀八年置九年改大明宮龍

朔二年號蓬萊宮咸亨元年改含元宮尋復大明宮正殿曰含元殿天后改大明殿

五夜漏聲催曉箭。九重春色醉仙桃。旌旂日暖龍蛇

動。宮殿風微燕雀高。朝罷香烟攜滿袖。詩成珠玉在

揮毫。欲知世掌絲綸美。池上於今有鳳毛。

原註舍人先世常掌

絲綸○衛宏漢舊儀晝漏盡夜漏起省中黃門持五

夜五夜者甲夜乙夜丙夜丁夜戊夜漏刻銘金徒抱箭箭漏箭傳以為節楚詞君之門以九重

西陽雜俎仙桃出郴州蘇耽仙壇庚肩吾詩御梨寒更紫仙桃秋轉紅周禮交龍為旂釋名旂倚也畫

作兩龍相依倚也公和嚴中丞西城晚眺詩旂尾蛟龍會樓頭燕雀馴正與此合記王言如絲其出

如綸宋書謝鳳字超宗有文詞作殷淑妃誅帝大嗟賞謂謝莊曰超宗殊有鳳毛○前四句早朝時景後四句着賈舍人身上并照和字

早朝大明宮呈兩省僚友

賈至

銀燭朝天紫陌長。禁城春色曉蒼蒼。千條弱柳垂青
瑣。百轉流鶯遶建章。劍佩聲隨玉墀步。衣冠身惹御
爐香。共沐恩波鳳池裏。朝朝染翰侍君王。

宣政殿退朝晚出左掖

唐會要宣政殿在含元殿後即正衙殿也

唐六典在宣政門內殿東有東上閣門殿西有西上閣門

閣門中書省在焉公時為左拾遺屬門下故出左掖漢書注掖門在兩旁若人之臂掖

天門日射黃金榜。春殿晴曛赤羽旗。宮草霏霏承委
珮。爐烟細細駐游絲。雲近蓬萊常五色。雪殘鳩鵲亦

多時。侍臣緩步歸青瑣。退食從容出每遲。

楚詞廣開

神異經西方有宮白石為墻門以金榜而銀鏤題曰天地少女之宮

則臣佩垂主佩垂則臣佩委

沈約詩游絲映空轉

董仲舒傳雲五色而為慶

上林賦過鳩鵲望露寒

注皆觀名在雲陽甘泉宮

外曹植詩侍臣省文奏

詩自公退食

紫宸殿退朝口號

唐六典紫宸殿即內朝正殿也雍錄含元之北為宣

政宣政之北為紫宸

戶外昭容紫袖垂。雙瞻御座引朝儀。香飄合殿春風
轉。花覆千官淑景移。晝漏稀聞高閣報。天顏有喜近

臣知宮中每出歸東省會送夔龍集鳳池唐制昭容正二品係

九嬪西陽雜俎今閣門有宮人垂帛引百僚或云自則天或言因後魏据開元禮疏曰晉康獻褚后臨朝

不坐則宮人傳百僚拜周隋相沿國家因之不改周禮地官司士正朝儀之位辨其貴賤之等庾肩

吾詩合殿生光彩謝眺賦嗟斯靈之淑景長安

志含元殿東南有翔鸞閣西南有棲鳳閣與飛廊相接吳越春秋采葛婦歌羣臣拜舞天顏舒上官

儀表接武夔龍筵羽鵷鷺○首六句紫宸殿末聯退朝同上

格律雍錄政事堂在東省屬門下至中宗時裴炎以中書令執政事筆故徙政事堂于中書省則堂在右

省也公為拾遺時政事堂已在中書故出東省而復集于西省者就政事堂見宰相也或云唐故

事各官會送宰相于中書始出故有落句中

春宿左省鶴曰公為左拾遺屬門下省在東故曰左省

花隱掖垣暮啾啾棲鳥過星臨萬戶動月傍九霄多

不寢聽金鑰因風想玉珂明朝有封事數問夜如何

劉楨詩隔此西掖垣何遜詩日夕棲鳥喧張華

詩乘馬鳴玉珂唐車服志五品以上有珂傘凡車之制三品以上珂九子四品七子五品三子六品以下

通去幘及珂珂貝屬可以飾馬光武紀詔曰百僚俱上封事無有隱諱漢儀密奏皂囊封版故曰封

事唐書補闕拾遺掌供奉諷諫大事廷諍小則上封事詩夜如何其夜未央○上四景下四情

晚出左掖

晝刻傳呼淺春旗簇仗齊退朝花底散歸院柳邊迷

樓雪融城濕宮雲去殿低避人焚諫草騎馬欲雞栖

陸倕新漏刻銘衛宏載傳呼之節庾信賦楊柳共

春旗一色 [雍錄] 宣政殿下有東西兩省別有中書

門下外省又在承天門外兩省官亦分左右各為解

舍杜詩曰散曰歸東西分班而出各歸其解也 [文

昌雜錄] 唐殿庭多種花柳本朝唯樹槐楸 [晉羊祜

傳嘉謀讜議皆焚其草故世莫聞 [詩] 雞棲于埭日

題省中壁

掖垣竹埤梧十尋洞門對雷常陰陰落花遊絲白日

靜鳴鳩乳燕青春深腐儒衰晚謬通籍退食遲迴違

寸心袞職曾無一字補許身愧比雙南金 [王褒和從弟山家詩

衆林積為籟園竹茂成埤 [蕭愨詩] 洞門涼氣滿閒

館夕陰生 [吳都賦] 玉堂對雷石室相距 [善曰] 禮記

注堂前有承雷 [謝眺詩] 紫殿肅陰陰 [梁簡文詩]

落花隨燕入游絲帶蝶驚 [夏小正] 季春之月鳴鳩

拂其羽 [鮑照詩] 乳燕逐草虫 [詩] 袞職有缺唯仲

山甫補之 [張載擬四愁詩] 美人贈我綠綺琴何以

送賈閣老出汝州

舊書故事舍人年深者謂之閣老 [唐志] 汝州臨汝

郡屬河南道本伊州貞觀八年更名肅宗紀

乾元二年九節度師潰汝州刺史賈至奔于

襄鄧而傳不書隱之也紀與詩合

西掖梧桐樹空留一院陰艱難歸故里去住損春心

宮殿青門隔雲山紫邏深人生五馬貴莫受二毛侵

初學記中書省在右因謂中書為右曹又稱西掖
賈歷中書舍人而省在日華門西故曰西掖今出為
汝州故曰空留黃曰至河南洛陽人汝州與河南
為隣故曰故里九域志汝州梁縣有紫邏山漢
官儀太守四馬行部加一馬故稱五馬○末二句慰
之之詞言人生而居刺史亦不賤矣莫以一麾出守
感憤而生
二毛也

送翰林張司馬南海勒碑

司馬一作學士黃曰唐志翰林無司

馬玄宗置翰林院延文章之士下至藝能伎
術之流皆待詔于此今日勒碑或是鑄工之
精者唐書廣州南海郡
屬嶺南道節度使治所

冠冕通南極文章落上台詔從三殿去碑到百蠻開
野館濃花發春帆細雨來不知滄海上天遣幾時迴

原注相國製文

風俗通黃帝始製冠冕垂衣裳

江賦竭南極窮東荒晉天文志三台六星西近文

昌二星曰上台為司命次二星曰中台為司中東二

星曰下台為司祿兩京新記大明宮有麟德殿在

仙居殿西北此殿三面故以三殿為名詩因時百

蠻記南方曰蠻雕題交趾拾遺記魏文帝迎薛靈

芸行者歌曰清風細雨雜香來十洲記滄

海島在北海上水皆蒼色天遣即天使

曲江陪鄭八丈南史飲

雀啄江頭黃柳花鷓鴣鷓滿晴沙自知白髮非春
事且盡芳樽戀物華近侍即今難浪跡此身那得更

無家丈人才力猶強健豈傍青門學種瓜爾雅注鷓鴣

脚高毛冠鷓鴣毛有五色皆水鳥晉先逸傳劉畢

芳樽之友陳陽縉詩青門小苑物華新隋許善

心詩夕拜參近侍朝恩濫弘獎陳張君祖詩遙遞
播荆衡杖策憇南郢遭動透浪跡遇靜恬夷性曹
植求自試表欲逞其才力輸能于明君陸雲書示
曜素自強健前四帶景題緒已完頸聯自敘末聯
鄭勉

曲江二首

一片花飛減却春風飄萬點正愁人且看欲盡花經
眼莫厭傷多酒入唇江上小堂巢翡翠苑邊高塚卧

麒麟細推物理須行樂何用浮名絆此身庾信詩翡翠本微物

知愛巢高堂苑即芙蓉苑在曲江西南西京雜
記五柞宮西青梧觀前有三梧桐樹足下有石麒麟
二枚云是始皇墓物庾信碑文刺史賈逵之碑既生
金粟將軍衛青之墓方留石麟二句言曲江亂後

荒涼之景淮南子耳目之察不足以分物理物

理頂上二句來楊惲報孫會宗書入生行樂耳

謝靈運詩拙訥謝浮名首二句是時序之可傷頸
聯是物景之可傷總見宜及時為樂不妨縱飲耳

朝回日日典春衣每日江頭盡醉歸酒債尋常行處

有人生七十古來稀穿花蛺蝶深深見點水蜻蜓款

款飛傳語風光共流轉暫時相賞莫相違吳志孫權
姪濟嗜酒

不治產業常醉欠人酒緡人皆笑之濟怡然自若謂
人曰尋常行坐處欠人酒緡欲貫此緡袍償之孔

融詩歸家酒債多門客粲成行左傳註八尺曰尋
倍尋曰常古諺人生百歲七十者稀詩老夫灌

灌毛傳猶款款也馬少憐春日詩傳語春光道先
歸何處邊末聯言與春光共相流轉即日典衣盡

醉不過暫時何忍匆
匆違去也留春之辭

曲江對酒

苑外江頭坐不歸。水精春殿轉霏微。桃花細逐楊花落。黃鳥時兼白鳥飛。縱飲久拚人盡棄。懶朝真與世相違。吏情更覺滄洲遠。老大徒傷未拂衣。

宮尤極珍異皆出自水府。沈約應詔詩霏微不能注。桃花二句謂之自對體。方言楚人凡揮棄物謂之拚俗作拚。莊子與世違而心不屑與之俱是陸沉者也。謝朓詩既歡懷祿情復協滄洲趣。謝靈運詩拂衣五湖裏。南史王僧虔傳我立身有素豈能曲意此輩彼如見惡當拂衣去耳。前四對酒之景後則對酒之懷。

曲江對雨

城上春雲覆苑牆。江亭晚色靜年芳。林花著雨燕支落。水荇牽風翠帶長。龍武新軍深駐輦。芙蓉別殿謾焚香。何時詔此金錢會。暫醉佳人錦瑟傍。

沈約詩麗日屬上巳

年芳俱在斯。靜年芳謂年芳為之寂寞也。下文正

見其靜。隋煬帝詩颯洒林花落。古今注燕支葉

似薊花似蒲公英出西方土人以染名燕支中國謂之

紅藍以染粉為面色。詩注荇接余也。根生水底莖

如釵股上青下白葉紫赤圓徑寸餘浮在水面。王

僧儒詩朝風吹錦帶。公祖審言詩縮霧青條弱牽風

紫蔓長。舊唐書太宗選飛騎之尤驍健者別署百

騎以為翊衛之備中宗加置萬騎分左右營置使以

領之自開元以來與左右羽林軍名曰北門四軍開

元二十七年改為左右龍武軍。新書龍武軍皆用功

臣子弟制若宿衛兵。雍錄左右龍虎軍即太宗時飛

騎衣五色袍乘六閑駁馬。虎皮韉唐諱虎故曰龍武

言其才質服飾有似龍虎也顏延之曲水詩序離宮設衛別殿周繳舊注貞元間中書門下奏云中和節初宴賜錢給百官宰臣以下于曲江合宴此賜金錢會也劇談錄開元中上巳節賜宴臣僚會于曲江山亭恩賜教坊聲樂唯宰相三使北省官與翰林學士登焉周禮樂器圖雅瑟二十三絃頌瑟二十五弦飾以寶王者曰寶瑟繪文如錦曰錦瑟是時京師新復曲江游宴都廢故云然○前四言景題緒已完後截感時事而深之以情

奉陪鄭駙馬韋曲二首

雍錄呂圖韋曲在明德門外韋后家在此

蓋皇子陂之西也杜曲在啓夏門外西向即少陵原所謂城南韋杜去天尺五

韋曲花無賴。家家惱殺人。綠樽須盡日。白髮好禁春。石角鈎衣破。藤梢刺眼新。何時占叢竹。頭帶小烏巾。

梁簡文帝詩長嘆情無賴

沈約詩憂來命綠樽

韋曲家多種花故云

奈此春何即自知白髮非春事意

南史劉岩隱逸不仕常著緇衣小烏巾○首四一截因其花之多而

自傷年暮末四一截因其境之幽而思卜居要知其惱處正其愛處也

野寺垂楊裏春畦亂水間

美花多映竹。好鳥不歸山。

城郭終何事。風塵豈駐顏。誰能共公子。薄暮欲俱還。

神仙傳淮南王初見八公曰先生年老似無駐顏之術○前四景後四情駙馬止篇末一點

奉答岑參補闕見贈

窈窕清禁闥。罷朝歸不同。君隨丞相後。我往日華東。冉冉柳枝碧。娟娟花蕊紅。故人得佳句。獨贈白頭翁。

參為補闕屬中書居右署公為拾遺屬門下居左署
雍錄唐六典宣政殿前有兩廡兩廡各有門其東曰
日華日華之東則門下省也居殿廡之左故曰左省
西廊有門日月華月華之西即中書省也凡兩省官
繫銜以左右者皆分屬焉罷朝歸不同言分東西
班各歸本省也君隨丞相後宰相罷朝由月華門出
而入中書凡西省官亦隨丞相出西也若左省官仍
自東出故云我往日華東也謝眺詩新葉初冉冉
初蕊新菲菲○奉
答意篇末一點

寄左省杜拾遺

岑參

聯步趨丹陛。分曹限紫微。曉隨天仗入。暮惹御香歸。
白髮悲花落。青雲羨鳥飛。聖朝無闕事。自覺諫書稀。

奉贈王中允維

舊唐書天寶末維歷官給事中扈從不及為賊所得服藥

取利詐稱瘖病祿山素憐之遣人迎至洛陽
拘于普施寺迫以偽署賊平陷賊官六等定罪
維以凝碧詩聞于行在肅
宗特宥之責授太子中允

中允聲名久。如今契濶深。共傳收庾信。不比得陳琳。
一病緣明主。三年獨此心。窮愁應有作。試誦白頭吟。

收錄也梁書侯景之亂簡文帝使庾信營于朱雀
航景至信以眾奔江陵元帝承制除信御史中丞
魏志陳琳避難冀州袁紹使典文章袁氏敗琳歸太
祖太祖謂曰卿昔為本初移書但可罪狀孤而已何
乃上及父祖耶琳謝罪太祖愛其才不之責錢箋
收庾信以侯景比祿山以子山比中允也玄宗謂肅
宗曰張均兄弟皆作賊權要官就中張均更與賊毀
三哥阿奴家事當時從逆之臣謗訕朝廷如陳琳之
為袁紹罪狀曹公者多矣公此句言維能痛憤賦
詩聞于行在不當比之陳琳也一病正照服藥詐

瘖緣明主言主之明能白其寃而宥之維自陷賊中至此已三年戴主之心未嘗有二故以白頭吟比之西京雜記相如將聘茂陵女子為妾文君作白頭吟以自絕相如乃止史記虞卿非窮愁不能著書

送許八拾遺歸江寧觀省甫昔時常客遊此

縣於許生處乞瓦棺寺維摩圖樣志諸篇末

唐書昇州江寧郡屬江南東道公開元末嘗遊此高僧竺法汰傳瓦官寺本是河內山

玩墓王公為陶處晉興寧中沙門慧力啓乞為寺瓦官寺碑文寺本晉武帝時建以陶

官故地在秦淮北故名瓦官訛作棺耳

詔許辭中禁慈顏赴北堂聖朝新孝理祖席倍輝光

內帛擎偏重宮衣著更香淮陰清夜驛京口渡江航

春隔雞人晝秋期燕子涼賜書誇父老壽酒賽城隍

間居賦壽觴舉慈顏和唐書楚州淮陰郡屬江南

東道郡縣志建安十四年孫權自吳治丹徒號曰

京城十六年遷都建業于此為京口鎮周禮雞人

夜嘑旦以詔百官漢舊儀宮中與臺竝不得畜雞衛

士候于朱雀門外專傳雞唱月令仲秋之月玄鳥

歸春隔言其去之時秋期歸朝也後漢書班彪

幼與從兄嗣伯共游太學家有賜書庾信賦門有通

德家承賜書北齊書慕容儼鎮郢城城中有神祠

號城隍神儼率眾禱之賜書二句見歸省時

與鄉黨談飲之樂以上了拾遺歸省一段看畫

會飢渴追蹤恨森茫虎頭金粟影神妙獨難忘詩載

渴江賦狀滔天以森茫唐人瓦棺寺維摩詰畫

像碑瓦棺寺變相乃晉虎頭將軍顧愷之所畫名畫

記顧愷之字長康小字虎頭曾于瓦棺寺北小殿畫

維摩詰畫訖光彩耀目數日發跡經淨名大士是

往古金粟如來淨名經義鈔梵語維摩詰此云淨名那提之子過去成佛號金粟如來○此了瓦棺寺維摩圖樣一段

因許八奉寄江寧旻上人

不見旻公三十年。封書寄與淚潺湲。舊來好事今能

否。老去新詩誰與傳。棋局動隨幽澗竹。袈裟憶上泛

湖船。憑君話我為官在。頭白昏昏只醉眠。南史吳均有俊才文

體清拔有古氣好事者效之謂為吳均體二句一氣貫下言未知仍如舊日之好事否而我已年老久

不見旻公將新詩孰與傳乎釋氏要覽袈裟者從色彰施也梵言迦羅沙曳華言不正正色本作筆塗

葛洪字苑改從衣○公嘗游吳越曾見旻公故因許八歸覲而寄此詩前六句憶舊了旻上人未聯了因

許八奉寄敘
近日之况

題李尊師松樹障子歌

老夫清晨梳白頭。玄都道士來相訪。握髮呼兒延入

戶。手提新畫青松障。長安志崇業坊玄都觀隋開皇二年自長安故城徙通道觀于

此改名玄都樂府君子行一沐三握髮後世稱聖賢○首四句領題起障子松林靜杳

冥。憑軒忽若無丹青。陰崖却承霜雪幹。偃蓋反走虬

龍形。楚詞深林杳以冥冥續晉陽秋戴逵善圖畫窮巧丹青無丹青言不異真松也却承退

承也抱朴子天陵偃蓋之松與天齊其久與地等其長又曰松樹三千歲者其皮中有聚脂狀如龍形

○此段極狀老夫平生好奇古。對此興與精靈聚。已

知仙客意相親更覺良工心獨苦

江淹詩精靈歸妙理仙客謂李尊

師 傅亮感物賦嘉美手于良工 此段言與尊

松

師共契斯障之妙因想見畫師之經營慘淡也

下丈人巾履同偶坐自是商山翁悵望聊歌紫芝曲

時危慘淡來悲風偶坐並坐也 此段又因松下人

物起感所謂題之外象也歌曲公

歌之也悲風之來

若從松林出耳

知仙宮... 心獨...
下文人中... 偶... 山... 雲... 紫芝...
時... 憐... 來... 悲... 風...
歌... 之... 也... 悲... 風... 之... 來...
若... 從... 悲... 律... 出... 耳...

